



Inatsisartunut ilaasortaq
Mikivsuk Thomassen, Inuit Ataqtigiit

**§ 37 naapertorlugu apeqquteqaammut nr. 088 2020-imut Qaanaami erngup
aqqutai, akissut**

Inatsisartut Suleriaasianni § 37 stk. 1 naapertorlugu Qaanaami erngup aqquataa
pillugu Naalakkersuisunut apeqquteqarputit.

Apeqquteqaatit uannut akisassanngorlugu innersuunneqarpoq, taakkualu matuma
kingulianiipput.

22-06-2020
Suliap nr. 2020 - 9953

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

**1. Nukissiorfiit Qaanaami erngup aqquataasa ukiut tamaasa
ajornartorsiutaasarnert ilisimasaqarfigaat?**

Nukissiorfiit paasissutissiivoq:

”Nukissiorfiit pilersuinermit ingerlatseqatigiiffittut akisussaaffini
pimoorutorujussuuuaa aammalu sumiiffinni tamaginni sulisoqarluni
pikkorissunik, ajornartorsiutinik piaartumik iluarsiinissamut piareersimasunik.

Qaanaami imermik imigassamik pilersuinermit aatsinneqartussanik
nilattarnermut atatillugu imermi imigassami bakteriaqarnera
ajornartorsiutaasartoq Nukissiorfiit eqqumaffigaat, aammalu maannakkorpiaq
nutaamik imermut tankiliorluni suliaq ingerlatileruttorlugu, taamaalilluni
siunissami imermik imigassamik pilersuinermit nilattartoqartarunnaassalluni.
Imermut tankiliinissaq 2019-imi aallartippoq 2021-imilu naammassinissaa
naatsorsuutigineqarluni.

Tamatuma saniatigut Nukissiorfiit imeqarfimminni ingerlaavartumik
taarsersuinernek aserfallatsaaliuineruillu suliaqartarput. Tassani aamma
Qaanaami erngup aqquataa ilaatinneqarluni. Tassunga ilanngullugu Nukissiorfiit
teknikkitt illutaliornerisigut Qaanaami imermik pilersuinermik pitsanngorsaavoq,
taamaalilluni erngup aqquataannik nakkutiginninneq pitsaanerulissalluni.

Nukissiorfiit Qaanaami pilersuinerup aqquataasa ajornartorsiutaasarnert
ilisimasaqarfiginngilaa, kisianni illoqarfimmi aalisakkerivik aamma Majoriaq
Nukissiorfiit illuaraq imermut milttaateqarfik/ammartaateqarfik ikkusimasumi,
aqqutinut ikkuffimminni ajornartorsiuteqarsimasoq Nukissiorfiit ilisimaaraat.

Nukissiorfiit pilersuinerlut aqqutitut pingaarnernut piginnittuuvoq akisussaasuullunilu, ilanngullugit erngup aqquataannik pingaarnernik pilersitsineq aserfallatsaaliuinerlu, taakkunangaanniit sullitat ataasiakkaat ikkuffiit aqquataannut atassuserneqartarlutik.

Atassusiiviusartumit sullitat ataasiakkaat piginnittuupput, taamaattumillu erngup aqquataanut (ikkuffiit aqquataat) inoqutigiinnut/illumut atassusiivimmeersumut akisussaasuullutik, takuuk Nukissiorfiit pilersuinerlut piunasaqaataanni imm. 6.4.

Illuni ataasiakkaani imermut ikkussukkanik (ikkuffiit aqquataat) pilersitsinissaq kiisalu aserfallatsaaliuinnissaq sullitat ataasiakkaat pisussaaffigaat, taakkualu aamma ajoqusiisoqarsimappat aammalu qerisoortoqarsimappat iluarsinissanut akisussaasuullutik.

Royal Greenland ikkuffiit aqquataannik ajornartorsiuteqarsimasoq, Nukissiorfiit malittaataanut atasumik, Nukissiorfiit ilisimavaat. Nukissiorfiit ilisimatinnegarnera malillugu Royal Greenlandimi aqqusersuutit putoqarnerat ajornartorsiutaasimavoq, tamannalu oqorsaataanni masatsitsisimalluni, kiisalu kiassarnermut kabelit atorsinnaajunnaarsimallutik, taamaattumik ukiukkut qerisarsimallutik. Royal Greenland ukiup aallartinnerani ikkuffiit aqquataannik pilersitsigallarsimasoq, kiisalu ajornartorsiut aqqiiviginiarlugu ikkuffiit aqquataat aasamut matoorneqarnissaa pilersaarutigineqartoq, Nukissiorfiit aamma ilisimavaa. Tamatumunnga tunngatillugu annertunerusunik paasisaqarusunnermi Royal Greenland innersuunneqarpoq.

Majoriaq Royal Greenland-imi pisunut assingusumik ikkuffiit aqquataasa qerisoorsimaneranik ajornartorsiuteqarsimasoq, taamatuttaaq Nukissiorfiit ilisimavaat. Pisuni marluusuni ajoqusiisoqarsimappat tamatuma iluarsinissaa sullitat pisussaaffigaat.”

2. Nukissiorfiit Qaanaami erngup aqquataasa ajornartorsiutaasarnerat qanoq aqqiiviginiarlugu pilersaaruteqarpat?

Nukissiorfiit paasisutissiivoq:

”Nukissiorfiit pilersuinerlut attavilersuutai ingerlaavartumik taarsorneqartarput aserfallatsaaliorneqartarlutillu. Attavilerfii pingaarnit assersuutigalugu illoqarfiup avannarpassinnerusortaniittut ukiut marluk missaat matuma siorna taarserneqarput.

Sullitat arlallit ikkuffiit aqquataannik ajornartorsiuteqarsimasut, assersuutigalugu qerisoornerit, Nukissiorfiit ilisimavaa. Immikkoortup 1-ip ataani taaneqartutut, ajoqusernerit taakkua iluarsinissaat sullitap akisussaaffigaa.”

3. Nukissiorfiit Qaanaami erngup aqquataasa ajornartorsiutaasarnerat pilersaaruteqarfigisimagunikku ajornartorsiutit aaqqinnissaannut pilersaarutitik qaqugu piviusunngortussatut inissisimaffigaa?

Matuma siulianiittoq immikkoortoq 1 aamma 2 inussiarnersumik takukkit.

a. Nukissiorfiit Qaanaami erngup aqquataasa ajornartorsiutaasarnerat aaqqiiviginiarlugu pilersaaruteqanngippata Naalakkersuisut Nukissiorfimmu ajornartorsiutip tamassuma aaqqiiviginissaanut peqqussummik tunniussissamaarpaa?

Innuttaasunut inuussutissarsiortunullu imermik pilersuinerup isumannaarneqarnissaa Naalakkersuisut pingaartittorujussuaat.

Nukissiamik Imermillu pilersuinerup suliassaarfimmu pilersaarutip atuutsinneqalerneranut ilaatillugu Nukissiorfiit ulluni makkunani Qaanaami DDS (dokumenteret drikkevandssikerhed / uppersaatitalimmik erngup imigassap isumannaatsuunissaa) atuutsilertussanngorpaa.

Nukissiorfiit paasissutissiivoq:

”Ilaatigut imermik suliarineqanngitsumik tigooqqaanerup, imermik suliarinninnerup, atuisartunut agguaassinerup aammalu sulisunik ilinniartitseqqinnerup iluanni isumannaallisaanermi iliuusissat arlallit DSS-miippu, tassani aarlerinaataasut imermik tigooqqaanermu, imermik suliarinninnermu aamma imermik imigassamik agguaassinerup navianartorsiortitsisinnaasut annikillisinnaannik aamma/imaluunniit atuukkunnaarsinnaannik siunertaqarneq aallaavigalugu sulisoqarluni.”

4. Naalakkersuisut sinnerlugit Qaanaamut angalasoqarmat ukiut tamaasa erngup aqquataannik ajornartorsiuteqartarneq Naalakkersuisunut suliassatut iluarsivigisassatut eqqunneqassasoq neriorsuutigineqarpoq. Suliakkiussiniarneq sumut killippaa?

Imermik pilersuinerup pitsaasuunissaata qulakkeernissaa Naalakkersuisut pingaartippaat, taamaattumillu nunatsinni sumiiffinni imermik pilersuineq

pillugu paasissutissanik Naalakkersuisut tusagaqarusupput. Qaanaamut tikeraarneq tamatumunnga iluaqutaavoq.

Immikkoortoq 1-mut matuma siulianiittumut akissuteqaammi allassimasutut Nukissiorfiit paasissutissiipput Qaanaami pilersuinerup aqutit ajornartorsiutigineqartartut ilisimasaqarfiginagu. Taamaattoq Qaanaami imermik pilersuinerup pitsanngorsarneqarnissaa pisariaqartinneqarnersoq, Nukissiorfiit nalilersueqqussavara.

Imermik pilersuinerup pitsaasuunissaata qulakkeernissaa Naalakkersuisut pingaartippaat, taamaattumillu ilaatigut Qaanaami DDS-ip atuutsilernissaa, matuma siuliani immikkoortoq 3.a.-mut akissuteqaammi nassuiarneqartutut, piviusunngortinneqaleruttorpoq.

5. Nukissiorfiit suliamut tunngasumik allanik apuussassaqarpat?

Nukissiorfiit suliami allanik ilanngussassaqaqanngillat.

6. Naalakkersuisut suliamut tunngasumik allanik apuussassaqarpat?

Naalakkersuisut suliami allanik ilanngussassaqaqanngillat.

Inussiarnersumik inuulluaqqusillunga


Steen Lynge